

宗子相集卷之四

門人

林朝聘  
黃中  
趙日新

黃才敏  
朱應遯  
陳汝揚

莊望棟  
謝符同  
鄭克曾

七言律詩

同余德甫王元美夜集明卿得何字

長安花落柰春何  
夜夜春亭載酒過  
駿去難逢燕市  
骨鳳衰重聽楚狂  
歌青天短髮垂今古  
明月孤笳散  
薜蘿醉後莫言歸  
騎晚浮雲猶自滿  
關河

天壽山一首

匹馬千峯曉度關  
相逢俱是紫宸班  
帝宮闔闔開

今日天柱華夷見此山萬里鴻歸滄海路七陵龍護  
白雲間漢家原廟松楸古夜夜西風吹珮環

送劉武庫使雲中便道還楚

使君西問玉閨遊關吏應知紫氣流三晉暮雲停漢  
邱七陵斜日攬吳鉤馬迴塞北青楓老人到湘南紫  
檣秋一醉洞庭明月裏可能不動蘄門愁

送黃先生之江西

帝城揚柳何陰陰送客城南傷客心片帆斜掛九江  
碧明月一跳三楚深叔度西遊竟何意梁父日暮  
苦吟高原忽憶美人遠愁見滿山楓樹林

寄贈子培赴試

秣陵佳氣即蓬萊湖月孤帆幾日開謝草常生康樂  
賦吳雲重見士龍才鸛鶴新翼江風起鴻鴈天書秋  
色來萬里風烟頻極目選君匹馬郭生堂

張肖甫初至七夕同諸子酌之張園

細雨林塘花氣流長安片碣即丹丘羣公解佩山雲  
起七夕開尊桂樹幽玉杵聲殘河漢語紫簫吹落蘄  
門秋乾坤此會誰能負吳楚兵戈日日生愁

同元美夜集明卿值雨

秋雲此日滿長安那肯相逢不夜闌風雨驟隨雙騎

到薜蘿况對一尊寒愁心獨有中原在俠氣君從北  
斗看戎馬關山餘涕淚十年空負漢庭冠

送嚴博之浙

憐尔頻年任道塗又携雙屐下江湖向人白髮時時  
短作客青山夜夜孤賦裏秋雲迴鴈蕩愁邊明月失  
龍珠燃藜起草聲名在未許嚴陵問釣徒

送張肖甫奉命督租閩粵二首

高天落日照中原匹馬凌風出薊門赤羽頻飛荒稼  
穡蒼生何處問鷄豚七閩雨雪王程急百粵樓船  
帝使尊長孺不妨乃喬詔寬租曾識漢庭恩

武夷西望即羅浮南斗雙垂寒不收使者珮環青桂  
色山家鐘磬赤霞流投鞭滄海龍堪起掃石天門鹿  
並遊知尔未能深結隱乾坤烽燧使人愁

答明卿齋居見贈

紫微夜燦建章開 聖主親祠太乙迴禁月千門龍  
馭肅宮雲五色鳳笙來金莖秋落仙人掌白雪歌殘  
楚客才莫謂汾陰能獻賦漢皇當日問蓬萊

寄于鱗

請郡當年意若何使君猶自滯關河客游五馬黃金  
妬書去盧龍白雪多千堞戰烽迷碣石萬山落木下

萍沱建章逢尔朝天者芳草春雲聽玉珂

與明卿對月得山字

與君共拾長安月照我千秋壯士顏中夜玄猿猶自泣  
西遊黃鶴幾時還玉關戍客仍刀斗石室仙人空佩環  
便欲乘風凌汗漫浮雲何處是天山

送許先生之任

南去孤帆逐塞鴻一尊寒雨蒨門東曳裾鄒客明珠在  
作賦梁園白雪工日落瀟湘尋太岳秋高荆楚過新豐  
長沙不必嗟留滯賈博聲名自漢宮

送人之河內

馬翩翩不可留聶楊醉色滿神州千年詞賦人遊洛  
十月關山雪滿裘翠壁天開中嶽色黃龍日抱大河流  
知君萬里中原思不到長安舊酒樓

送朱邑博之滎陽

當年赤帝困滎陽使者黃金計獨長一自關山盟白馬  
千秋楚漢只垂楊君今忽向大河曲懷古行歌明月光  
華髮傳經知不恨相如詞賦重遊梁

徐子與至京夜集

去年搔別贈江籬今日相逢又桂枝越使樓船羣盜出  
漢家簪紱五陵悲閔山烽起秋仍急鳩鵲雲寒夜

不垂莫向天門歌白雪人間楚曲正堪疑

再集子與得山字

七首胡霜照客顏相逢俠氣滿燕關荆軻而去此其  
草易水東流不可還天地只今飛赤羽江湖何處問  
青山悲歌忽憶行藏計為尔雲霄愁珮環

寄贈姜使君二首

搖落西風舊紫貂一朝歸去逐山樵郡中旌旆愁相  
失道上豺狼任自驕三楚白雲停涕泪九江秋月卧  
蘭若北来父老頻相問或有徵書自 聖朝

傲吏當年辭節旄西風計病瘧陵濤空亭獨對開名

酒落日相看贈佩刀彭澤千秋樵徑在匡廬昨夜客  
星高尔家最近瀟湘渚莫為時人著楚騷

送下從事之廣東

長安落日照胡纓君去才高從事名匹馬關山衝薊  
雪五羊人吏識江旌署中夜嘯芙蓉暮海上春衣翡  
翠明驛使廣陵如可到梅花今滿粵王城

送唐叅政之山西

搖落西風漢舊冠當年奏草並琅玕朝辭燕甸胡霜  
濶春到龍門朔雪殘行省紫微羣吏夕嚴關赤燧萬  
峯寒使君頻擁旌旄出多少蒼瘼夾道看

同諸子夜集德甫

華陽之館雲叅差誰其召我金屈卮出門寒月一何  
白握手明星莽欲垂有客自負鸚鵡筆為君獨把瑯  
瑚枝相逢今夕且意氣世路風塵安可期

送玄陽山人歸吳

高楓搖落薊門遊把酒青天夜倒流世路百年孤鳳  
曲霜華十月滿貂裘去燕寧為黃金盡過趙誰能白  
壁留君到故園春草暮姑蘇麋鹿正堪愁

同子與明卿元美席上賦別于鱗得雲字

使者衣冠凌紫氛五陵春色坐紛紛中原獨洒蕪葭  
酒落日相逢猿鶴羣永夜列星垂薊野西方千騎亂  
胡雲太行只尺愁風雨何處晴虹可贈君

送王比部之呂梁

南望黃河亦壯哉呂梁之水如奔雷飛流萬里崑崙  
下急峽千峯日夜摧漢署君為滄水使徐方人識濟  
川才登臨莫作觀濤賦恐有魚龍處處哀

席上同明卿送孫子升得春字

二月逢君帝里塵一尊且為駐征輪長卿白璧誰留  
趙季子黃金又去秦短劍不開閭闔兩孤舟猶及廣  
陵春江門十里垂楊色莫把時名負釣綸

送趙子隆下第南歸

閭闔天高急暮笳一尊芳草入天涯短衣狐劍且辭  
國駐馬聽鴻日憶家淮浦當年曾挂樹楚江三月正  
桃花君婦好擬長揚賦豈向西風問釣槎

送李僉事入浙

送別東門金屈卮使君去矣問青驪劍分紫劍星辰  
在裘上霜華日夜吹南去羽書猶未息中原豺豹尔  
何為江頭諸將勞相訊百戰勲名孰肯垂

席上同子與德甫伯倫送別明卿給事赴謫豫

章得書字

席上賦

秋色千門照別裾片帆西去是匡廬洞中白鹿知誰  
待醉後青雲任尔踈落日薰葭三楚客高秋風雨九  
江書漢庭多少瓊龍在獨有文園負子虛

元美自塞上歸蹙駐城西携酒出視

重來握手薊門城落日悲歌淚滿纓使者關山愁綠  
草人家霜雪暗金莖尊開片石雙蛟下電走長松萬  
馬鳴此夕相看不成醉明朝白髮為誰生

同李伯承比部夜過况吉夫膳部得真字

席上賦

陌上鳴珂散紫宸相逢意氣轉相親清尊細菊堪銷  
夜走馬傳書易隔旬九月衣裳同在客千江烽燧遠

愁人憑君莫灑愛時淚無數秋風白髮新

答方懋藩見贈

十年裘馬薊門烟一日逢君北斗邊念我遙傳秋夜曲  
曲開函半是白雲篇歲寒蘭芷猶堪結雪後琅玕倍  
可憐聞說詞臣俱近幸揚雄何日賦甘泉

九月陪祀 山陵二首

九日 山陵木葉丹北來秋色抱長安元開紫極羣  
龍起月照蒼梧萬騎寒絕壁正當胡馬路西風不落  
漢臣冠青萸黃菊年年事誰擬今從北斗看  
捫蘿直上最高頭萬里蒼茫生客愁白露衣袍千嶂

夕紫微環珮七陵秋月明遠塞知胡遁風急長楊恐  
帝庭天末彩雲如有意至今常傍翠華流

大雪張助甫席上同子畏賦得胡字

一夜西風吹大都相逢朔雪滿長衢衝泥匹馬時時  
立入座寒雲片片孤萬里長途驚白髮千山一望斷  
蒼梧可憐漢卒無衣者猶自持戈夜備胡

送萬公子歸豐城

青袍綠髮儼琅玕歲晏趨庭去住難 帝苑佩聲天  
外盡豐城劍氣斗間看尊前明月雙鴻暮江上梅花  
一騎寒共說甘泉能獻賦春風明日滿長安

和朱主客冬至雪後早朝

茲年茲夕又春陽千騎朝天總建章  
金馬並搖蒼佩入銅龍高傍紫微翔  
斗間雲氣垂鳩鵲池上星華滿  
鵲鷓何處詞臣歌白雪知君此曲白三湘

寄贈王侍郎時總戎薊鎮

相國提兵驅紫氛年來羽檄罷紛紜  
千峰夜戟吹胡雪萬里秋笳斷薊雲  
驃騎長呼遼左戍單于三折漠南軍  
麒麟錯落尚書省青鬃歸來奉聖君

待元美不至同吳峻伯席上賦

塞上音書胡不傳蓬萊明月幾輝煌  
中芳草寒相

負馬首梅花春自憐孤角千家滄海戍  
故人雙鬢薊門烟塞惟莫訝星辰亂  
知我行吟入斗邊

况吉夫席上留別高伯宗吳峻伯汪正叔李伯承張子吳諸君得西字

相逢春草忽萋萋何限離情落大堤  
楚客朝來歌白雪胡奴星下問青驪  
一尊明月愁環珮孤棹晴雲入鼓聲  
縱有武夷秋可寄天風不到薊門西

上巳夜汪正叔宅留別諸君得寒字

三月三日開春盤入門解珮聲珊珊  
晉人曲水空芳草楚客征衣自澤蘭  
明月萬家沉鼓角銀河千尺墮

闌干酒酣莫遣離歌起滿目江湖風雨寒

荅子與見贈二首

建章風雨怨春芬  
即有梅花難寄君  
客計艱危羣盜在  
主恩流落七閩分  
古來詞賦悲玄草  
亂後江山斷白雲  
莫羨幔亭霞石曉  
恐應先駐伏波軍

福丹憶爾阻江濤  
江上憑誰問楚騷  
碣石空摧雙髮短  
武夷曾憶片雲高  
芙蓉歲暮堪垂綬  
魍魎山深有佩刀  
聞說烽烟今滿眼  
可能一慰聖躬勞

夏日得素二丈書

浮雲望斷滄海邊  
尺書西來誰與傳  
眼前盜賊至今

日賦裏江山非昔年  
清世何人洗兵馬  
孤城有客愁烽烟  
紫芋黃菊漫消息  
秋風吹上湖東船

又得素三子敬書

別君已是三載餘  
歲歲梅花空泪予  
千江盜賊偶停騎  
六月鼓鼙還寄書  
窮途青眼憶阮籍  
茂陵病肺愁相如  
天時人事且盃酒  
他年逢爾承明廬

與徐養浩湖泛二首

湖上扁舟今又歸  
湖南生事日且微  
白蘋盈把客携酒  
青薜滿山吾製衣  
烽燧秋高淮海路  
兵戈天急射陽圍  
滄江何限垂綸者  
搖落西風舊釣磯

短笛長簫何處船草堂只在太湖邊  
蕪葑十里吹晴雪蘆荻千村生紫烟  
世路關心羣盜在茂陵多病一尊前  
子雲自有長揚賦肯向青山獨草玄

贈陳隱君

有客有客歌采薇六十翩然華髮稀  
桃花千世憶秦水蘿薛滿山裁  
楚衣石上黃精歲歲長爐中白雪時  
時飛崑崙玄圃好同往鴻鵠天風歸未歸

句曲道中值雨時赴子與之約

垂楊孤騎出江門西望鐘山帝極尊  
萬里浮雲摧短劍千峯秋色起中原  
及時風雨一何急入夜蛟龍

不分南州徐孺子華陽三日獨開樽

又自昔耽卧遊徐卿東來何所求  
水穿雲漱石不知暑碧草青蘿今始秋  
大風欲拔衆山去驟雨如決千江流  
明日峰頭弄笛者高歌能不生我愁

積翠亭子與晚酌

華陽風雨晝冥冥一日登山秋滿亭  
洞口高松垂地暗尊前古壁插天青  
下巖積雪照吾酒萬片浮雲吹客醒  
莫怪烟霞弄搖落峰頭今夜卧雙星

與子與登茅山絕頂風雨驟至

並騎華陽踏紫氛振衣今日謁茅君  
石門曲閉仙人

掌天柱高留帝女雲萬里江湖秋不斷二儀風雨畫  
難分山中瑤草如堪問吾欲常隨鹿豕羣

既別子與憶之

華陽十日醉不醒華陽一別天冥冥眼底烟雲失萬  
象向來夙雨迷下靈門羅到處坐石壁走馬忽然開  
翠屏江國美人去已遠誰與玩此芳草青

登觀音山

一上孤峯破大荒吳山楚水共蒼茫雲間棟宇垂天  
渚江上鼉鼉吹石梁絕壁畫開夙雨色斷虹秋掛祥  
維長吾將從此尋瑤草黃鵠天風好共翔

江亭

帝城秋色逐人來吳楚東南首重回風起大江龍抱  
石日高天柱客登臺一尊芳草晴相媚十里芙蓉秋  
未開酒罷忽歌湘曲水浮雲何處不堪哀

過涇訪王九江

二十年前讀子虛茂陵今得謁相如秋來萸菊仍携  
酒病起江山獨看書四海蒼生憂戰伐中原高士困  
樵漁武夷有約休相負歲晚芙蓉日夜踈

一尊秋色起薰葭涇水東流走白沙黑髮孤臣悲去  
國青雲兩世見通家幾人江上貽芳草九月山中開

桂花安得淮南賦招隱與君終日弄烟霞

五言排律

人日謝茂秦李于鱗徐子與梁公實王元美偕

集席上口占得夙字

雪霽燕山北撥殘漢苑東客星開夕燕人日聽春鴻  
鬢髮愁堪短青雲計未工年華雙鳥去歲事一尊同  
湖海峰煙裏乾坤聚散中金花道對月玉樹迥含風  
筆共江淹俊途俱阮籍窮中原携數子去美上崆峒  
樓中閣望家君報已赴蜀矣即悵然有賦焉

登高心易折望遠眼難明柳風新碧千花雨較紅

亂山吹夕燧絕壁墮晴虹蜀道西南入荆門灩澦通  
獨將華髮意長嘆錦江中抱玉頻甘拙辭金久失工  
宦情摧白眼歸思滿青楓早晚音書到關心碣石鴻

傷春四首

歲華何在苒芳草又參差雲斷關河色烽連楊柳枝  
羽書千里急鼓角萬山悲紫陌紛紛問黃塵失所之  
羯胡頻聚散大將總安危多少關心事空澌涕泗垂

其二

鴈塞燒焚後孤城水旱餘荒涼自戎馬戰後且閭閻  
赤子瘡痍滿黃金貢賦虛星辰開將星風雨急軍儲

聖主憂方切羣公計莫踈振衣空太息慙媿買生書

其三

北闕平臨漢西山迥接秦風塵徧作吏梅柳畏逢春  
盜賊滄江起征輸赤縣頻生涯俱浩蕩世路正艱辛  
日月餘愁髮乾坤有病身何能遂倚劍祗自失垂綸

其四

野澗時仍鳥山寒晝不花最憐簪冕客何事管絃家  
馳馬去朝日登樓起暮霞青門懸萬里白髮阻三巴  
天地方戎服江湖况使槎獨將留滯色惆悵對春華

同茂秦于鱗南溪泛舟

賈悲曲水今日俯長河路險難車馬橋荒先薜蘿  
亂青來澗草新綠散渠荷千嶂尊中落孤槎天上過  
醉餘燕市酒狂識楚人歌鴻鴈飛何急琵琶恨與多  
雲留仙客履日落野漁蓑風雨蕭然至吾如幽思何

送沈儀部子文之留都

送君春雨後把袂暮雲前綠髮同禁日青袍共住年  
人言能拾紫吾意在談玄漢苑長楊賦吳門折柳篇  
才名時輩重世俗宦情偏梓里今垂綬花叢昔問禪  
橋從鳥鵲入臺是鳳皇傳早晚貽瑤草雙鴻遲北燕

病中二首

浮世豈非昔長愁，直至今風塵游子病。藥草故人心，  
白日銷危坐。青山入苦吟，簾窺新竹細。臺惜落花深，  
畏路甘名隱。浮生肯陸沉，獨將酬主念。久矣負投簪。

其二

茂陵消渴夜，漢圃倦遊年。日月愁中惜，形骸病後憐。  
鄉心時萬折，客淚晚雙懸。人老猶西蜀，春歸尚北燕。  
音書嗟白鴈，歲序怪玄蟬。獨抱無靈事，徘徊玉漏前。

送朱郎中使浙

鳳書天上至，龍節日邊催。兩越乘驂使，三都作賦才。  
路經芳樹斷，心逐暮江迴。綠水樵人宅，青蘋釣客臺。

山之小粟落巖靜，王華開月照方窮。谷春深已劫灰，  
觀風尋禹穴。題石向天台，多少長安侶。看君奏草來，  
午日同李于鱗游天寧寺。

得爾逸名者，今辰又少林。山高楊柳細，路險薜蘿深。  
古塔已凋翠，祇園曾布金。談經羣鳥下，聽法一龍吟。  
舍利光難滅，菩提跡豈沉。空虛能悟性，清淨不依心。  
雲竹窺禪相，風篁度梵音。僧來看果結，酒至對蒲斟。  
世事形骸苦，浮生日月侵。慈航如可渡，同此謝朝簪。

賦得邊馬有歸心

萬騎下青海，三軍赴紫荊。浮雲朝出塞，細柳夜鳴營。

漢劍繁星墜胡笳落月驚千金投筆吏百戰素縑生  
駿骨凄烽火雄星老甲兵長堤遍芳草何處識咸京  
病中茂秦見過

八月文園病千門落葉聲客能携杖至誰復倒衣迎  
月分頭失行藏短髮生芙蓉消渴採蟋蟀向愁鳴  
几上分芝朮江間憶杜蘅肯編妙吏事白雪損時名  
夕卧知朋好何才答 聖明未應滄海路終負野鷗盟

寄魏山人

誰識志機者當年削跡人羊裘寧肯出漁釣不待秦  
明月青藜杖秋風白鷺巾

玄髮三千文浮生六十春少微久寂寞今復在垂綸

聞陸子携家之金陵感而有賦

聞君棲海上何意赴江東况復青袍舊其如白髮窮  
龍蟠天府比鳳去古臺空日月悲歌裡閨山涕泪中  
賦成三楚遠名並兩都雄書已留懷袖春難問鴈鴻  
相思而去苦多難向來同漢苑摘詞者看君慰轉蓬

送王中丞巡撫山東

聖主開皇極明公翊帝謨朱衣持節苦紫詔錫恩殊  
涕淚思酬國艱難在備胡兵戈千嶺急保障一身孤  
豹畧雄三輔鴻聲照八區燕幽方整肅齊魯復長驅

地入關河迥春迴草木枯雲霄迎劍舄日月擁師徒  
臺靜惟聞鳥山空不見狐功名懷呂尚道術陋夷吾  
海外寧干羽天邊望斗樞還看麟閣上早晚列新圖

送宗四道丈南歸

如何避世者對此薊門煙賈誼浮湘日長卿授簡年  
畏途殊慘淡末路遂迤邐雙鬢莽垂白孤悵惟問玄  
逍遙疑悟道清淨類逃禪跡豈漁樵隱名將鹿豕全  
絮霞隨意好明月向人圓不得從君去羈愁倍可憐

送胡比部之留都

吾憶同遊日君今獨往悲朱華聿云暮綠酒不堪持

鳳去仙臺古龍蟠帝宇垂三山天浩蕩六代草參差  
張衡賦澄江謝朓詞芳蘭如可折千里慰相思

湖上晨起

碧石高成削江流直浸園鷓鴣猶渚宿鳥雀已枝喧  
北斗青天墜東溟白日翻秋聲起橘柚曉色出雞豚  
玉露棲松徑高霞落石門漁舟忽停棹鬢髮是桃源

喜雨劉沈許李四丈偕集

千家迷曉日萬壑下秋陰地迥浮雲直亭高驟雨侵  
羣鷗寒自立一水坐能深波動魚龍氣天流鴻雁音

榮枯芳草色，憂喜故園心。長嘯無賓主，高談失古今。  
開尊憐阮籍，作賦見陳琳。豈作商霖望，聊為梁父吟。

趙山人再訪溪南

思鱸來釣者，題鳳向山家。樓入千村樹，池開六月花。  
停盃去黃鳥，掃石散朱霞。白髮便幽事，青袍駐歲華。  
病惟求杞菊，語必及桑麻。江水秋方濶，還期泛夕槎。  
冬夜沈李陸禹盧潘諸文學同徐山人集芙蓉

館分得前字

客到孤城暮，亭開萬水邊。晴虹標野渡，巖雪動平川。  
吾愛滄浪曲，誰聽白石篇。群鷗驚落大，孤鴈下新煙。

楚澤悲漁在，吳雲涕泪偏。一尊聊永夕，雙鬢任摧年。  
春入寒衣後，歌停夜漏前。出門看嶺月，任爾妬嬋娟。  
通州顧子訪山中臨別成篇

相思曾漢苑，相見此江城。楊柳春山細，薜蘿夜雨生。  
鳳題今日字，龍卧昔人名。世事孤心在，霜華兩鬢驚。  
艱危吾抱病，流落爾何情。作賦看霞壁，開尊坐月明。  
雙鴻睥睨暮，尺牘廣陵行。莫忘滄浪水，紅塵滿客纓。

出訪陸長庚不遇

出郊頻繫艇，築室不依山。樵者千林下，人家一水間。  
巖花春更碧，渚草夕仍斑。汝謂長世吾，將共閉關。

豈乘黃鶴去何意白雲還龍劍斗邊色漁竿石上閑  
去芝應自摘叢桂好難攀惆悵當年語丹書次第刪

同何侍御游大雲寺十二韻寺在清源

招提絕域墮黃金原布地青石正參天  
盤外蓬萊落鴈前沙平樓閣直路僻斗牛偏  
曉鐘經知白馬傳慈雲千嶺合慧日萬家懸  
中果池開穴後蓮晨鐘飄積雪夕梵度輕煙  
石鳥窺窺傲雙龍欲羨禪陰陽悲爽砌今古慨桑田  
俗色東無盡河流西可憐問君遊苦海何似賦甘泉

送萬彥和貪寧心之席

斗依北斗作賦重西京雲裏金空詔愁邊洛水清  
星文開鳳節秋色動羊城桂葉雙旌轉梅花列戟迎  
按章孤島入攬纒曲江平紫氣朝看劍蒼梧夜動兵  
迴風五嶺振飛雨百蠻驚潮起魚龍醒珠來日月明  
羅浮高可立漠渤遠能清吳楚干戈泪乾坤竹帛名  
縱橫粵王壘慷慨漢臣纓萬里還相憶寥寥今古情

省中夜直

紫微朝散署玉珮夜分曹明月天河白晴雲漢闕高  
春知摧瑩英寒未却衣袍羽檄心恒折關河首重搔  
世途趨水火兵氣散蓬蒿流血滄江滿燃眉赤髯勞

誰人甘馬車諸將豈龍翰嗟爾平夷畧空子賦楚賢

余德甫吳明卿夜至賦得虛字

羨爾荆高輩頻年燕市居悲歌人不問擊筑意何如  
愁得尊前緩春從柳上舒庭飛梁苑雪吾憶楚江漁  
寂寞思玄賦蕭條諫獵書誰其鴻鵠志俗已鳳麟跡  
兵車中原滿星辰北斗虛相看千古色滌淚滿長裾

、秋夜張國馮談玄者有贈

萬里秋雲下雙峰夜月初空梁寒蟋蟀山沼亂芙蓉  
仙路青芝隔玄亭古木凍浮生俱客計斯意久吾虛  
白雪爐中藥黃鹿石

夜過明卿遲元美不至得今字

楚客如看昔燕歌逐至今羣情宜鹵莽斯意轉蕭森  
枉甚憐吾任愁來獨爾尋雙珠明月動一酌暮鐘沉  
天地逢人少冠裳避世深窮途惟白雪失計自黃金  
詞賦偏生色夙塵易折心不知王子晉何處夜抽簪  
、秋夜高伯宗徐汝思李伯承汪正叔張子畏况  
言夫來集賦得難字

羣公何處至鳴珮各珊珊繫馬秋雲落張燈夕吹殘  
賓筵惟首宿客贈有琅玕月照千門白星垂九塞寒  
雙鴻迷碣石斗酒自邯鄲岩菊今逢紫江楓昨憶丹

誰家龍出笛吾計鴉為冠蟋蟀尊前度芙蓉句裏看  
吏情同去住世路異悲歡他日思瑤草乾坤此會難  
將發京夜別峻伯得湖字席上賦

握手殊不盡論心日轉紆更誰憐鳳鳥為爾繫驪駒  
月條相照浮雲寒不徂客塗從浩蕩帝里只須臾  
豈為蒼生出寧言壯士圖安危群貴在去住二人俱  
尹莫嗟齊瑟吾將卜楚巫椒蘭徒自結魍魎作人趨  
漁父何方去靈均未可呼宦情餘棘叢生計久菰蒲  
黑髮從今變黃金自昔孤敝裘辭址丰短棹入西湖  
倘遇尋秋色悲歌問玉壺

五言絕句

題畫四首

山徑度青波石門遲白日客到不披衣春風理瑤瑟

其二

暮嶂遠含青春江空帶碧緗掃風前花拋書枕羅石

其三

冥冥沙上鷗潔潔雲間鶴秋風厲羽飛空山鷺寂寞

其四

雨落千山南月照千山北山上把芙蓉蒼上動秋色

春望

聞道春可憐春今竟何許石竹萬家煙海棠三月雨

送吳山人

黃菊故人盃青山游子路匹馬向垂楊回首燕雲暮

聞鴈憶子培弟

秋雨千峰散寒雲萬里開不知天際鴈幾日故園來

雪山

急雪冥上至玄雲黯上垂青山亦白髮莫怪髮成絲

聽笛

客有羌中笛十月吹揚柳揚柳不可見春色在君手

寄陸子

白鷺三洲遠青山萬樹低相思惟夢到夜夜鳳臺西

郊行六首

連騎出孤城揚鞭一相語揚柳遍春山應從何處去

其二

去去城南路我馬忽以停知爾不行意春原芳草青

其三

不識南溪路借問道傍子答言從此去桃花隔春水

其四

昔聞南溪名今識南溪路去城不十里今我來何暮

其五

溪上有雙橋一一龍鱗石白髮倚春風愧爾樵人色

其六

高柳與新松鬱鬱滿前渡故園春不見見此故園樹

贈人之河汾

馬道下層雲龍門倚積石太平上書者曾是布衣客

送人還江南

行藏新白髮歲月舊青袍又向江門去秋風荔薜高

湖上雜言二十首

冥冥江雨飛冉冉江雲細何處見春華靡蘆滿園砌

其二

自湖南卧春還湖上看桃花千樹落柳絮萬家寒

其三

白髮持竿者江華坐晨日垂釣勿太深恐落蛟龍窟

其四

白雲有樵者携酒至山家春風好同來為吾掃落花

其五

散步至西園草莽充庭際稚子好為除恐有草中蕙

其六

荷芰滿橫塘出水一何長風雨莫太驟吾欲裂吾裳

其七

熠上草間螢穿楊復入柳誰取向山房星辰四壁走

其八

赤日澗大江家家泣禾黍如何千峰雲不作千峰雨

其九

百花耀朝日日中常五色君看向日者唯有葵心赤

其十

清風下滄洲冷然六月秋錯疑白石走乃是夜行鷗

其十一

山前摘松子山頭拾桂花月明聞玉笛秋色在誰家

其十二

不眠松下倚寒石秋月落江潭千里湛空碧

其十三

千澗起秋陰萬山驚夕暝松風何處來悠然飄夜砧

其十四

明月下大川孤鴻依淺浦不見舟中人但聞舟中語

其十五

秋江一夜語鱸魚處多漁人走相約晨日理青裘

其十六

秋雲下斷鴻暮雨鳴叢竹湖上一尊酒共酌寒波綠

其十七

風起萬林寒月出千峰白門外蒼松影疑是卧龍跡

其十八

寒飈暗夕林中夜忽以朗晨起開石門雪花大如掌

其十九

再上山上梅皎皎山中月月下摘梅花幽香滿肌骨

其二十

白雪滿湖村夜深仍出門湖邊千樹林一一五龍蹲

得余德甫書

使者自南來換書報江渚一把讀滄波上蛟龍作人語

其二

白紵好裁衣長短與身稱豈無舊所著貴自故人贈

古意簡伯章

美人隔江洲咫尺不得渡不畏石上霜但畏草間露

懷高子明

作客清江遠傳書白鴈遲山中有芳草遲爾把春卮

夜立

秋風天外聲明月江中影幽人把桂枝露下衣裳冷

遲養浩不至

山中白日遲湖上青春早美人不我期誰與玩芳草

寒夜同助甫訪子畏見盆草有歲寒之感馬人

遂賦之

長安十丈雪寒色滿荆榛唯君只尺地留得故園春

其二

十月見蘼蕪青似春浦豈子歌陽春色不敢去

其三

百卉皆零落如何爾獨存豈无冰雪苦一意逢王孫

其四

自與美人期芳草日轉碧今日凌寒者豈獨松與栢

其五

已訝雪中在况逢燈下看酒闌相把贈疑是翠琅玕

上送朱主客得蕭春青西四字

朔雪尊前亂西風馬上驕胡笳中夜起不似廣陵蕭

其二

孤拆那堪夜垂楊不肯春白雲何處至吾欲贈歸人

其三

雙樽行北斗一騎望南星春色隨君去蘼蕪日夜青

其四

君到滄江上桃花亂馬蹄相思知有路明月薊門西

張助甫席上同吳峻伯白伯倫再餞朱主客南

還賦得江飛競渡日草見踏青心十韻

席上賦詩  
成三更矣

為惜美人去看梅到曉窓明河忽倒地疑已入滄江

其二

朔雪寒無賴胡雲凍不飛海門波浪急莫使近春衣

其三

夜夜歌陽春青皇失其柄君携遙草歸蘆蕪孰敢競

其四

君來楚水寒君去燕關暮黃河十丈冰孤槎未可渡

其五

鄧客何方來為君鼓瑤瑟席上走楚雲盃中落湘日

其六

江碣石西匹馬長安道王孫及早歸綠遍江門草

其七

寒飈晝相憶悲歌夜相見斗室豈天台落盡桃花片

其八

樽盃問明月明月不能吞相隨下江潭夜把蒼龍踏

其九

一酌寒仍綠千峰夜失青逢君能幾日摘盡薊門星

其十

北風送君去吹我故園心直掛廣陵樹春來亂鳴禽

臘月十七夜月同峻伯助甫席上賦

胡霜日夜驕吹破  
前門月月色幾時圓  
待尔照春髮

右得月字

西風卷天荒  
銀河翻巨浪  
殘月東海頭  
至今不可上

右得上字

寒風吹落桂樹漸無葉  
一葉落人間  
變作階前莢

右得葉字

既喜明月來  
復惜明月去  
吾欲破青雲  
坐尔月行處

右得去字

白伯倫儀部移居夜階  
助甫司封訪之席上賦  
得卜居赤甲遷居新  
兩見巫山楚水春十四韻

席上賦登卷  
漏下三鼓矣

子騎明月主人開石屋  
銀河即尔家  
豈待成都卜

右卜字

卧君白雲床  
讀盡紫霞書  
桃花亂墜酒疑是  
武陵居

右居字

童子摘松枝  
敲冰煮白石  
萬里天風來  
吹作珊瑚赤

右赤字

龍劍削芙蓉  
十載閉其匣  
壯士為尔開  
滿地走鱗甲

右甲字

醉尔華陽館  
如登崑崙嶺  
白雲一長嘯  
青山日夜遷

右遷字

君試探玄草吾能把素書問奇頻載酒真作子雲居

右居字

朔雪不肯去客去何處新尊前歌綠草愁殺薊門春

右新字

聞君佩玄珠明月中夜朗莫作江湖遊白日愁同兩

右兩字

美人隔江下只尺不相見終日望秋鴻忽已來春燕

右見字

客言湘水至綠雨泣蒼梧恐是懷沙汨雙垂問大巫

右巫字

問君何所愛庭戶滿西山夜夜仙人至時時拾珮環

右山字

夜呼洞庭君明月破三楚開門拾楚雲片片作人語

右楚字

主人出家酷千酌葡萄紫不問江南人知是江南水

右水字

落月頻催酒羣星低送人句中楊柳色不是五陵春

右春字

贈吳張二子

望君白雲遙逢君明月下明月豈銀鞍去住隨君馬

其二

我遣明月終夜照君屋嬋娟未解情只在階前宿

七言絕句

送王比部元美使江南六首

蘄門秋草萬山青送尔天風下渤海紫氣從今蔽南

斗何人更識使臣星

千門羽檄正紛紜搖蕩西風此送君匹馬關山秋色

裏胡笳吹斷萬峰雲

正斗天門高自看銀河

去白露青楓夜上寒

使者金羈控紫騮月明瑤瑟共登樓酒酣一鼓湘靈

曲天外星辰忽倒流

袖中雙劍削芙蓉到處秋雲幾萬重南去不須頻出

視恐令白日下蛟龍

大江中斷是金山山上瑤華爾獨攀明月天高秋萬

里何人不作弄珠還

塞上歌十首送王侍郎赴薊鎮

司馬頻年西破戎詔書又下九華宮親提萬卒如風

雨一夜來屯紫塞東

塞南塞北盡烽煙胡騎縱橫二十年報道今秋須遠  
徙漢庭司馬日行邊

千里關山擁帝京萬村烽火照連營天高玉塞朝催  
戰日落黃河夜勅兵

榆關北望陣雲高五月天風吹戰袍共說總戎王相  
國十年身佩龍皮刀

楊旌出塞擊樓蘭把劍胡天萬里寒氣憑陵邊月  
色西軍驚傍斗牛看

躍馬提戈佩紫貂漢關那數霍嫫姚護軍飛將龍庭  
滿縛得名王不敢驕

塞外群山落日登黃沙縹緲白雲層天連睥睨盤三  
輔地坼龍蛇奠七陵

悲風搖落大荒迷白草黃雲散鼓鞞直遣漠南無隻  
騎燕然不羨漢臣題

白羽親成露布文滿天愁色結寒雲一車盡賞葡萄  
酒九塞傳歌虎豹群

山前漢使尺書飛山外胡兒匹馬稀擊鼓吹笳醉邊  
月今年無事着戎衣

再送王元美四絕

漢使朱衣塞上行燕關落日照長纓酒酣忽嘯青天

色坐使浮雲不敢征

吳鈞錯落白如霜  
腰下龍珠夜月光  
今日贈君春草去  
一天風雨下漁陽

春風千隊簇芙蓉  
白馬長驅似白龍  
君到榆關歌出塞  
萬家明月泣胡烽

太行斜壓萬峰低  
北斗天門咫尺迷  
爾去高歌逢五馬  
白虹雙掛石梁西

送葉令之蒲圻

錦水曾傳茂宰名  
分符又向武昌城  
瀟湘春色隨君到  
千里蘼蕪一夜生

車無限楚山青  
芳草春雲接洞庭  
縱有瑤琴君鼓  
鼓萬家風雨失湘靈

贈余德甫奉使兩浙四首

天風匹馬向西湖  
明月千家醉白榆  
莫上釣臺聽夜  
笛霜華吹破客星孤

赤城霞起是天台  
明月蕭聲落早梅  
昔日胡麻君莫  
問桃花不放石門開

秋雲鳴珮入金華  
綠眼仙人掃落花  
無數石羊餐古  
雪知君已到赤松家

鴈蕩千峰插斗墟  
彩雲終夜護丹書  
朔華萬片寒相

逐拾得天人白玉裙

得顧洛陽書却寄四首

長安風雲怨離羣，何處看梅不憶君。使者青函天外至，開書片片落嵩雲。

七月垂纓出建章，薊門秋草怨胡霜。相思化作長堤柳，一夕春風遍洛陽。

洛陽城北春雲稠，洛陽城南伊水流。伊水泠泠去不返，千山萬山明月愁。

青天直渡大河津，河上傳經煮白鱗。回首千峯桃李色，知君愁殺武陵春。  
顧子別業在武陵溪上

送袁令之夔州

送君何處折梅花，南去關山多暮霞。漢吏出關能化蜀，馬前春色動三巴。

春風二月到瞿塘，白帝城邊春草長。不必桃花滿千樹，他年人亦比河陽。

寄陸長庚

江上茆堂倚石孤，清尊爇菊歲相呼。別來千里看鴻鴈，明月愁心落五湖。

得明卿書却寄二首

逐臣西去楚雲長，猶有音書到帝鄉。莫訝開函龍氣

滿知君六月過濠梁

憶爾秋風滿敝裘。計程應醉百花洲。如何徑作瀟湘去。洲上芙蓉日夜愁。

酬朱文得蘿字

打陽湖上春水多。射陽湖北長青蘿。君歸莫向湖中卧。恐有蛟龍不得過。

酬峻伯得屋字

山人十載出山屋。手把瑤枝騎白鹿。風雷一日走千里。雙龍夜夜愁天目。

酬助甫得送字

白雲忽向黃河送黃河。至今不敢凍盡道河中走。蜀龍只今席上行秦鳳。

相逢曲

千騎東來紫電生。西風吹雪滿胡纓。將軍且莫干恩澤。聞道單于未罷兵。

酬助甫二首得楚圻二首

君昔驅龍下三楚。湘妃漢女愁江渚。豈有高歌散白雲。至今老樹作人語。

赤珠射斗牛。欲折相逢疑是蛟。人宅忽然酒酒作江湖。明月長吹千里碧。

題方懋藩邸中小石

鞭石過滄溟片碣千秋落此亭昨夜白龍驅不  
去天風吹出武夷青

明月曲同峻伯助甫席上賦得深字

明月掛千林滿地霜華吹客星故國魚龍何處  
白雲愁殺楚江深

得歌字

露下金莖吾自歌與君中夜踏天河可憐一片長安  
月曾向江門照薜蘿

得書字

吾欲驅龍走太虛為君赤手摘蟾蜍天台三十六峯  
裡何限仙人把素書

得虹字

薊門朔雪亂天風風落千家走白虹馬上月明揮不  
去知吾夜夜醉新豐

新春贈李司封子藩川助甫韻

李白逍遙供奉班高歌白雪向人間未須採作長安  
曲恐有青春不入關

綠玉仙人截海過石梁千尺駕鼉鼉相逢贈我金光  
草處處青山愁薜蘿

鳴環踏月拾嬋娟  
雙劍鸞逢北斗前  
紫氣朝來垂馬首  
何人不作五陵煙

海南巨浪抱羣星  
海上愁雲日夜停  
豈謂芙蓉春不渡  
短簫吹破萬峰青

春風走馬玉華東  
腰下明珠浸碧空  
疑是羅浮山上月  
為君終日控長虹

夜月懷明卿

逐客音書久不聞  
天風吹斷楚江雲  
相思惟有長江水  
月拾得如妳難寄君

處處青楓急暮砧  
萬山秋色怨璫琴  
美人只隔湘江

水江上浮雲愁我心

正月十二日夜同助用過李子藩賦得湖西二字  
盃中明月醉屠酥  
南去晴雲夜可呼  
聞道五陵歌玉

樹家家拾得紫珊瑚

紫簫吹散夜烏棲  
萬戶春星濕馬蹄  
玉女霓裳知有曲  
春風莫到帝城匹

得子與書寄贈四首時子與駐節句曲

聞君遙住三茅峰  
峰上傳書遺白龍  
携得江南春色到  
開函飛出紫芙蓉

春雲控馬入華陽  
千尺晴虹踏在梁  
倘遇赤松歌夜

月知君十日醉玄霜

何處高歌踏紫氛袖中瑤草白紛紛夜深忽弄崑崙  
笛驚波仙人五色雲

貞白祠前掃赤霞大江明月走晴沙天風吹落陽春  
曲散作千門楊柳花

寄贈方隱君六首

隱君家在九華山夜夜春風吹佩環雙袖白雲留不  
止化為紫氣滿天關

碧溪之上何者磯銀河倒夾青天飛中流短笛弄明  
月驚起玉螯無處歸

白日晴雲向武夷芙蓉千尺挿天池池邊白鹿春無  
數叱向高巖耕紫芝

山中高卧六十霜青雲為珮霞為裳南溟六月赤虹  
起羣仙跨之來翱翔

九鯉湖邊黃石家安期之棗大如瓜割來釀作崑崙  
酒醉殺桃源萬樹花

洞簫吹破嶺雲高玉女峯前採碧桃三十六天風露  
冷臨行解贈赤霜袍

峻伯夜過遲助甫不至各賦嘲之

胡雲片片亂胡霜匹馬東吹明月光何處美人期不

至漢家歌舞在平陽

席上留別高伯宗四首分韻

仙人掌上別金莖露冷千家醉月明天外武夷君莫  
問春風無限薊門情

萬里江花拂石橋孤槎去弄廣陵潮雲中倘遇崑崙

子寄尔秦時碧玉簫

大江南去片帆輕江三浮雲日夜征回首帶得春色

逐萬家楊柳為誰生

振策天風下七閩當歌愧尔楚江人夜深忽鼓湘靈

瑟處處梅花愁遠春

月夜再別諸君二首

何處簫聲墜月明天風吹亂武夷情婢娟萬里秋如  
水吾欲乘槎問太清

露下金莖鳩鵲愁銀河倒逐絲雲流携君一片長安  
月去醉千江白鷺秋

華陽明月曲同子與賦

月滿空山青不流仙人來贈紫雲裘一尊高卧藤蘿

上醉殺華陽萬里秋

百尺銀河叱作橋看予直度赤城標雲中雙鳳翻

下秦女何方弄玉簫

無數星辰檻外看，月中環珮近。珞珞天風，忽送霓裳曲。搖漾千峯翡翠寒。

青天倒插石門高，夜半仙人獻碧桃。萬頃烟雲蕩松檜，為君山上起江濤。

玉露清秋啼夜鳥，高空明月萬山徭。嬋娟忽隊珊瑚影，處處幽人尋白榆。

月華萬月散天門，拾得清光滿客尊。醉起白雲如可駕，吾將乘此去崑崙。

華陽道中奉別子與

三下高峯坐碧樞，西風明發問驍駒。袖中一片華陽

贈爾揚帆過太湖

共持瑤草下天闕，萬里秋風吹別顏。馬上白雲晴不散，知君到處問青山。

蕪湖遇陳山人鶴席上分韻贈之

江雲萬片落胡床，斗酒高吟明月光。一自逢君出玄草，滿天霜色似華陽。

白鴈青楓楚客悲，相逢猶及桂花枝。萬山明月孤帆色，送尔江湖隨所之。

相逢秋色起蕪關，明月千峰未可還。莫恠征衣霞氣滿，知君家在會稽山。得還字。

過采石懷李白十首

閭闔天門夜不閉酒星何日謫人間為君五斗金  
羞露醉殺江南千萬山

憶君乘月下金陵何處吳山不夜登一曲瀟湘秋萬  
里至今疑在白雲層

楚水秋風薜荔高千帆明月大江濤娥眉亭下芙蓉  
色猶似當年宮錦袍

夜夜銀河澗不流長虹西掛綵雲愁醉來江底抱明  
月驚落天門萬片秋

到處孤槎秋萬重滄江終夜卧魚龙天風驅尽瀟湘

為仙人破醉容

秋山萬仞落秋潭无限青楓好駐驂君跨長鯨去不  
返獨留明月照江南

采石磯頭坐白雲歸來瑤草亂紛紛夜深吹笛江上  
上明月窺人恐是君

楚江南折是天門江上蛟龍日夜喧為尔片帆開暮  
雨至今秋色鎖雲根

短筇踏破楚山青日日蒼梧醉洞庭何事淹留姑熟  
水千秋風雨怨湘靈

西望匡廬接九華當年醉色傲烟霞可憐一片寒江

月猶為千峯護落花

聞張山人在蕪湖不得見懷之

石磯頭秋雨晴蕪湖城外暮潮生美人只在江波  
二十里芙蓉愁月明

懷海樵山人

海樵山人雙鬢髯道上相逢開石函贈我芙蓉千萬  
片至今秋色滿江南

涇縣望桃花潭

李白題詩  
汪倫處

桃花潭水近陵陽潭上春風滿石梁流水不隨仙客  
去秦人何必渡三湘

仙人石

秋風夜渡仙人石百尺奇峯掃天君我欲捫蘿枕石  
眠明月偏醉廣陵客

王子夜半來過席間有贈走筆相答

秋雷一動蛟龍走王生夜半尋五斗把酒向天天忽  
開星辰錯落亂吾手

夜召明卿報言病目畏燈火走筆戲簡二絕

秋雲落盡瀟湘曲更有何人抱寒玉堂前銀燭豈黃  
塵相逢不肯開君目

昨日見君雙眼青今日見君雙眼赤江南百戰天地

摧豈應欲化萇弘碧

人日大雪峻伯助甫來過賦得榆愁門陽四字

七日之春上可呼相逢斗酒醉屠蘇却疑金勝天門  
墮把向階前成白榆

已知青帝坐青陽玄冥使者猶飛揚不是春風吹不  
去知君欲跨白虹虬

春色尚閑楊柳園楊花柳絮何翩翩胡奴繫馬庭前  
樹疑是玉龍來叩門

凍雲裂破青春流天門下女爭春愁剪碎銀河幾萬  
片一宵白盡青山頭

席上酬功甫

外春雲控紫驕腰間明月冷吳鉤酒酣把贈天風  
起吹作湘江白鷺秋

助甫宅見盆梅同子藩賦之得東愁二字

徑尺蒼虬墜碧空天風吹作玉玲瓏尊前明月爭相  
拾恐逐仙人過海東

斗室梅花玉笛愁相逢疑在赤城頭何當擲爾瀟湘  
去屢屢鮫人驚白鷗

白雲樵者

赤城花若掃春氛夜夜仙人弄白雲雜佩幽蘭何處

得洞庭明月問湘君

十日峯頭摘白雲月華相逐夜繽紛曉來片片晴虹

是仙人素練裙

白雲樵者贈功甫

少樵人拾古石門風雨閉桃花相逢為製秋江

畫盡峰頭萬片霞

附錄

五子述

姑蘇俞允文

山東李于鱗憲副名攀龍為文刻意尚古不樂貴任

一日輒自稱病免出社門自脩不詭于時有耿介

之操

吳興徐子與太守名中行夷度醞藉製清融得其蕪

蔚言議津津靡見乏源尤喜為篤厚之行而不自

盛滿元美云子與性味如醞醐無處不入余每謂

之知言

荆楚吳明可給事名國倫負不羈之才好自為之慢

世雖屢搆抑默而奇篇弥出抑亦亭伯之流也

廣陵宗子相學副名臣個儻闔擇擢管興文殆無留

思當之者辟之小巫而見大巫便欲神氣俱盡

吳郡王元美憲副名世貞神儀俊朗雄志邁倫合組

熙緒惟其所長其意以為兩司馬而下勿論也假令嗣其才力豈可量哉

右五子者皆當世名士也余始與五子之徒元美友善而明可時以中舍詣京師道經吳郡見余所為贈元美詩遂乘福舟訪余不遇而去時有縣令要之不得而余亦不知明可之嘗至至今未得接識明可也後二年而子與以比部郎中錄囚按縣遂辱任車騎述叙高旨有加平生之歡比子與又云子相在閩中每相念之明可亦時詣京師當復方舟而來也今獨于鱗抗志屏迹川阻脩元

美在青州以家難亦輒自免去淪漂燕齊之間比惋惜耳初五子同官京師以不能苟全取容用繼遷轉咸離隔遠至數千里或終歲乃得問焉而余負瘳蓬室跼踖而處往上徒以聲氣相吹嘘尤令人歎慕深也竊又以為人之趣舍異塗雖結髮以至白首而不相知情意氣懸合則窮山極海儻有聞焉誰能間之是以火井沃泉而弥烈靈鐘應霜而自鳴氣之感也豈以其跡之相比哉是余與五子不必盡識也撰五子述

五子詩

謝山人榛

李攀龍

謝生吾黨彥軾軻京洛陌不惜黃金去但傷朱顏擲  
韋布豈盡愚咄嗟名士籍握手金閨人中情多所適  
目若營衛匹躑躅難自釋脫疑公卿前捋鬚坐其席  
冠蓋羅長衢染翰日相索遂令清廟音乃在褐衣客  
一出遊燕篇流俗忽復易還願望鹿門矯上青雲翮

徐比部中行

徐生一何俊本自青雲安十年住天目含意多素辭  
既聞風雅音三嘆文在茲矯上願尚書賜昧惠前綏  
念為埋清曲高言唱者誰躑躅流俗聞携手不相疑

鬢滿要路各謂中心私世人豈同願吾道欲委蛇  
黃金買大藥朱顏庶可持物理率如此和光難獨窺  
梁比部有譽

梁生起南海負氣何倜儻比交中原士徘徊得吾黨  
高名豈宿著一朝奮鴻響時俗既淆濁振衣念獨往  
禮法難為工局促向天壤王喬可等期服食理非枉  
引領還羅浮願言稅塵鞅俯視大河流逶迤浮雲上  
盛衰隨物化世情自鹵莽吾意當告誰黃金如偃仰

宗考功臣

婉婉維揚士早歲絕人識結撰有至思先民乃遺則

時俗徒嗷也此物知者得鬱也獨任心百折江河力  
披覩他自媚我意安所測言念携手好榮名與令德  
浩蕩陰陽移吾道相終極語及千載事愀愀動顏色  
中懷誰可喻文章亦經國一為麟鳳言二歎加食

王比部世貞

元美何翩翩夙昔東靈與京洛多冠蓋操觚各自媚  
所遇無此物識曲聽其偽大雅久沉邈時滄作者至  
俛仰知音稀含蕊未伸意但坐奮逸響側身向天地  
寔名豈誤人依依千載事浮雲相攬持白日一高視  
四顧命儔匹中懷誰可致凌厲子長氣文章此未墜

謝山人榛

徐中行

落落滄海客高視翰墨林披褐登燕臺悲風吹我襟  
躑躅冠蓋間四顧營知音滛思構篇章一一郢中吟  
交李道益廣救盧義何深中懷皎白日末俗徒黃金  
妻子且不問况乃腥腐侵食膾豈不苦斯文故難任  
茫也四海內獨用千古心不學蓬蒿士悠也空陸沉  
李郎中攀龍

此物孕靈造顯晦洵有神寂寞漢魏後乃復挺斯人  
矯矯秉孤尚流俗誰相因直規千載前識曲辯其真  
昌運幸中啓羣英咸來臻玄夜昇海日昭灼開迷津

衆星何歷上周環隨北辰遂令同心者周旋若一身  
白日發高唱青天氣益振側身望泰華可以表嶸峴

梁比部有譽

梁生南海彥早歲握明珠滔蕩秉大節深湛思獨殊  
獻賦聊薄遊偶與同好俱揚榘得冥奎清響奮天衢  
大雅一以振巴人空監竽濁世多局促中懷慘不舒  
振衣謝塵網逝將還舊廬增城與羅浮仙人可等期  
伊余薄世戀夙昔同玉趨安得凌風翼與爾長相須

宗考功臣

吏部信瑋傑洞識一何早若廊豈不逢藝苑從所好

何時美遊遨清飈洒蘭藻握手時髦前論心感同調  
矩矱懷先民努力肆探討嘆息向日馳健翮凌風矯  
探珠萬仞淵倏忽得至寶傷彼擊缶徒悠上亦空老  
首為金石盟海内存此道時難交弥敦歲寒共相保

王比部世貞

元美自名家弱齡騁高步駘蕩尚書省深衷托詞賦  
雅鄭難為聽輦俗多所誤寥上韶濩音師洵獨早悟  
卓犖李中郎携手即廣路騏驥意服驥千里不反顧  
高歌送浮雲陰陽蕃回互調咲天地間焉知中所慕  
千載亦須史寧論貴與富惟有瓊瑤篇可以垂竹帛

謝山人榛

梁有譽

矯矯被褐者江海自淪跡貧賤心所安願頷豈摧抑  
用拙不求羸憂在騷雅熄窮來抱影居澹詞蘊古色  
耿七烈士心更著排難力恩衍越石徒友道不荆棘  
恥貸監河粟甘從於陵食俛首問妻子汝胡飢寒逼  
蹈海乃何人長嘯吾自得富貴與榮名松菌固殊域  
燕石誠可嗤口珠盡堪盡今古自一時鴻冥詎能弋

李郎中攀龍

大雅日已遠斯文競馳騫如何捨周鼎泯濁寶康瓠  
李生奮東海深○託毫素凌厲百代前詞源盡傾慕

用脩綆汲道由斷輪悟繁聲盡捐屏至樂在韶濩  
刻商雜流徵衆耳信驚怖悠七復何言邯鄲踈其步  
浮沉將安之歲月不我顧漢署共遨遊相期保中路  
瓊珮紛偃蹇美人恐遲暮八極自揮斥先民有遺度

徐比部中行

徐子負逸氣本自吳會竒邂逅協心許在昔未遇時  
風有食霞情空抱世網悲揆余秉微尚甘魚傷暮知  
握手自高吟一一金石辭賦客盡傾倒珠光炫陸離  
詞園豈浪名作者見於斯立言多苦心河清詎可期  
荃蕙化為茅陳詞欲訴誰騷乘賦已遠執戟志仍疲

感彼同懷人塊無雜佩貽勉哉赫明德歲寒良不欺

宗考功臣

吏部慷慨人早歲耽著作所得皆經竒鬱上濟世界  
高視凌千載詞賦悼寂寞結藻燦國章著論麗丹牒  
感時賦長楊菁華歎昭燭龍耀天街葭屋徒螢爝  
復古力何雄憐才意不薄末俗振風騷平生重然諾  
莫逆今昔希詞盟欣有託古來賢達士道在從龍虬  
瞻彼肅肅羽萬里翔寥廓生宦業傲懷恩向丘貉

王比部世貞

籍甚天下士王生名日振玄成有世業江左挺斯人

早窺竹素園作賦揚馬倫新篇扣哀玉激烈吒鬼神  
酒後雅吳詠俠氣陵高旻傲倪天地間誰知肝膽親  
詞人久衰謝栢梁徒塵埃生也抗高義斯道不緇磷  
鼎鉉期俊功揚聲天路津豈學蓬蒿子白首徒苦辛  
余慚梧臺石君邁連城珍用舍固殊轍感贈以書紳

謝山人榛

王世貞

脫屣平原客振衣燕昭臺吾人寔龍矯白日天崔嵬  
廣陸奏清商悲風四垂耒俯仰狎世觀一二當中懷  
拯厄不顧知中介有餘諧親者無愧親排者任其排  
蕭索一韋裳傲睨千古才擾上冠蓋徒零落青門埃

李即中攀龍

緘阿出溟渤，皓鬼中天發。列宿豈不顯，杳然精靈攝。  
鼠蜀甫也神，遷竒自禹宄。斯豈一世尊，流行神不沒。  
夫子揚嘉馨，千載馭颺軌。思排入淵曠，象成自昭晰。  
至理中所賞，胡然見時悅。夫子乃沉淪，紛上亦淹忽。  
六合慘淡間，微生借嘘拂。並嘯倚崆峒，蒼上極秋色。  
上有三危露，芝菌芳膠結。攀英綴其滋，虹霞動靈宅。  
却嘆羨門者，長生等浙沫。

徐比部中行

藹上洵吉士，產秀自天目。泠泠穆風披，青陽振膏馥。

乘翫時人函懷被商曲籍甚堪切瑚璉離哉思鴻鶴

諧予旣以邁，為歡數代燭。柔條江上嘉，霖雝淫中所。欲  
良璞困鑣錯，連城謝其琢。吳志瑀上無，浹頤言重相勛。

梁比部有舉

大溟湛珊瑚，陸離灼叢條。龍伯何神舉，弱緯連六鰲。  
之子為國經，含英奉清朝。沉瀾先民蘊，眷念首陽椒。  
內神形俱歛，匪戰理自超。崇賤或千鈞，貴若等逝颺。  
羅浮七十二，一一摩層霄。玉笈子長往，金徽予罷操。

宗考功臣

伊人璠璣彥，履盛無嬰躬。豈鮮盈門軌，匪其經寸衷。

遐筭外服食凌古乃譙冲斯道苟不蕪非衛當誰功  
沉淪知夜光鴻鵠高天風枉矢射彭城逸勁飲石梁  
誰謂漢執廣稟餼航扶桑竦息太華巔羣途杳茫七

四懷詩

懷元美

瑯琊山上越王壘秋色高臨海色開莫向中原看落  
日浮雲萬里為君來

懷明卿

豫章西望彩雲間九派長江九疊山高躡不須窺石  
鏡秋風憔悴侍臣顏

懷子相

越王城上黯銷魂萬里秋風動薊門君自平生稱國  
士南遷豈負信陵恩

懷子與

肖山忽送七間秋大海遙連百粵流落日孤城風雨  
王粲惟何處不堪愁

懷子鱗

渭水秦關天上迴使君持節馭風雷不妨萬里無書  
寄紫氣常從西極來

懷元美

六月揚兵大海東書生亦作萬夫雄匣中雙劍無顏色倒吸天河吐白虹

懷子相

九曲溪流繞幔亭峰前梅色晝冥上故人無限中原思撫劍歌來祇自聽

懷子與

風塵策馬路俱迷尔得汀江似武溪花落空頭無一事尋仙時過玉華西

懷子鱗

黃鶴秋翔大華顛坐攀仙掌撲青天乘風忽傍東溟

轉矯首扶桑帝日懸

懷明卿

鴻歸重柱豫章書不向釣天臺帝居若使府公誇東帶便携妻子入匡廬

懷子相

越王山撞七閩秋天入東南大海收雨後虹霓初不見何人截作釣鼈鉤

懷子與

武手之山勝武夷河江如色學字移但道江山多氣色不如新著謝公詩